

Na osnovu člana 8. stav 3. alineja 29. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06) i člana 12. Zakona o prekršajima FBiH ("Službene novine Federacije BiH", broj 63/14), a u vezi sa Zakonom o veterinarstvu BiH („Sl. glasnik BiH“, broj 34/02), Zakonom o veterinarstvu FBiH („Sl. novine FBiH“, broj 46/00), Zakonom o zaštiti i dobrobiti životinja BiH („Sl. glasnik BiH“, broj 25/09, 9/18), Zakonom o javnom redu i miru USK („Sl. glasnik USK“, br. 15/10), Općinsko/Opštinsko vijeće Bosanski Petrovac na nastavku XVII-te redovne sjednice održane dana 05.08.2022 godine, donosi:

ODLUKU

O držanju i zaštiti domaćih životinja, kućnih ljubimaca i postupanju sa napuštenim životinjama na području Općine/Opštine Bosanski Petrovac

I - OPŠTE ODREDBE

Član 1.

Ovom Odlukom propisuju se uslovi i način držanja domaćih životinja i kućnih ljubimaca koji nisu namijenjeni prodaji; kontrola razmnožavanja kućnih ljubimaca, kretanje pasa u javnim objektima i na javnim površinama, način postupanja sa izgubljenim i napuštenim životinjama, psima i mačkama lualicama i životinjama opasnim za okolinu, registracija pasa i mačaka, nadzor, takse i kaznene odredbe.

Ova Odluka se ne primjenjuje na službene pse koji u obavljanju svojih poslova koriste tijela državne uprave i druge pravne osobe (npr. policija, zaštitari, granična služba) kao i na pse osposobljene za pomoć osobama sa posebnim potrebama (npr. vodiče slijepih osoba) te lovačke pse.

Držanje i kretanje lovačkih pasa za vrijeme lova izvan naselja utvrđen je Zakonom o lovstvu FBiH („Sl. novine FBiH“, br. 4/06, 8/10 i 81/14), propisima proizašlim iz naprijed navedenog Zakona i drugim pozitivnim zakonskim propisima.

Član 2.

U ovoj Odluci u upotrebi su pojmovi sa sljedećim značenjem:

1. **Vlasnik/imalac životinje** - svako pravno ili punoljetno fizičko lice koje je kao vlasnik, korisnik ili čuvar neposredno odgovorno za zdravlje i dobrobit životinje.
2. **Eutanazija** - bezbolno usmrćivanje životinja.
3. **Higijeničarska služba** - služba koja stalno i sigurno obavlja uklanjanje životinja, pasa lualica, lešina životinja, određenih nejestivih nusproizvoda klanja, konfiskata i valioničkih otpadaka.
4. **Izgubljena životinja** - ona životinja koja je napustila vlasnika/imaoca bez njegove volje.
5. **Napuštena životinja** - kućna životinja koju je vlasnik/imalac svjesno napustio.
6. **Psi i mačke lualice** - su neregistrirane i neoznačene životinje o kojima se niko ne brine i koje bez nadzora lutaju ulicama i drugim javnim površinama.
7. **Opasan/potencijalno opasan pas** - može biti bilo koja jedinka te vrste, porijeklom od bilo koje pasmine, a činjenicu da je pas opasan utvrđuju stručna lica nadležne veterinarske stanice po podnesenoj prijavi o ničim izazvanom napadu na čovjeka i nanesejoj mu tjelesnoj ozljedi.

8. **Skloništa za životinje** - prostori u kojima se smještaju pronađene (napuštene i izgubljene) životinje na daljnu brigu i moguće udomljavanje.

Član 3.

Domaćim životinjama u smislu ove Odluke smatraju se životinje koje je čovjek odomaćio i čiji opstanak zavisi od neposredne brige čovjeka i to:

- kopitari i papkari
- živina
- kunići
- golubovi

Kućnim ljubimcima u smislu ove Odluke smatraju se :

- psi
- mačke
- ukrasne i egzotične ptice, mali glodari, terarijske, akvarijske i druge životinje koje se uzgajaju i drže za društvo, rekreaciju, zaštitu ili pomoć čovjeku.

Držanje opasnih životinja kao kućnih ljubimaca regulisano je Pravilnikom o držanju domaćih životinja („Službeni glasnik BiH“, broj 27/10)

II – USLOVI I NAČIN DRŽANJA DOMAĆIH ŽIVOTINJA

Držanje domaćih životinja

Član 4.

(1) Vlasnik/imalac domaće životinje je dužan životinju držati u skladu sa Zakonom o veterinarstvu FBiH („Sl. novine FBiH“, broj 46/00), Zakonom o veterinarstvu BiH („Sl. glasnik BiH“, broj 34/02), Zakonom o zaštiti i dobrobiti životinja BiH („Sl. glasnik BiH“, broj 25/09, 9/18), Zakonom o javnom redu i miru USK („Sl. glasnik USK“, br. 8/02), Odlukom o javnom redu i miru na području Općine/Opštine Bosanski Petrovac („Sl. glasnik Općine/Opštine Bosanski Petrovac“, broj 4/12) te odredbama ove Odluke.

(2) Objekti za držanje domaćih životinja moraju odgovarati propisanim veterinarsko-zdravstvenim i higijensko-sanitarnim uslovima.

(3) Držanje i ispaša domaćih životinja nije dozvoljena:

- a) na javnim površinama,
- b) u prečniku 20 metara od vodoopskrbnih objekata,
- c) na udaljenosti manjoj od 20 metara od ivice putnog pojasa,
- d) u zaštitnom pojasu javnih cesta (magistralne ceste 20 metara, regionalne ceste 10 metara, lokalne ceste 5 metara -Zakon o cestama FBiH član 58. stav 3),
- e) na zaštićenom području oko izvorišta pitke vode,
- f) na pojasu oko grobalja/mezarja i vjerskih objekata na udaljenosti manjoj od 100 m i
- g) oko kulturnih, obrazovnih, turističkih, istorijskih i zdravstvenih ustanova na udaljenosti manjoj od 200 metara;

(4) Na užem urbanom gradskom području Općine/Opštine Bosanski Petrovac zabranjeno je uzgajanje i držanje domaćih životinja i zvijeri (papkara, kopitara, pernate živine i slično). Pod užim centrom grada podrazumijevaju se ulice Trgovačka, Titova, Trg Šehida, Srebrenička, Bosanska, dio ul. Narodnih heroja do ŠIPAD-a i dio ul. Ibrahimpašića do bazena.

(5) Na ostalim područjima Općine/Opštine uzgajanje i držanje životinja dozvoljeno je pod uslovima da je:

1. objekat za smještaj domaćih životinja izgrađen od čvrstog materijala,
2. izgrađena propisana vodonepropusna dubrenica sa otopnom jamom.



3. objekat za držanje domaćih životinja i đubrenica udaljena od susjednih stambeno – poslovnih objekata, javnih puteva i drugih prolaza najmanje 5 metara, a od objekata za snabdijevanje vodom za piće (bunari, bazeni, izvorišta, javne česme i slično) najmanje 20 metara,
 4. otpadna voda (osoka i slično) sprovedena u kanalizacionu mrežu ili otočnu jamu sa betonskim poklopcem.
- (6) Prilikom ispaše stoke izvan mjesta prebivališta vlasnika/imaoca stoke uz veterinarsko uvjerenje o zdravstvenom stanju stoke vlasnik stada je u obavezi da nadležnoj veterinarskoj stanici prijavi tačan broj pasa-čuvara stoke te da priloži potvrdu kojom se potvrđuje da su nad psima provedene sve propisane mjere te da je izvršeno čipovanje i upis pasa u Registar općine/opštine mjesta prebivališta vlasnika/imaoca.
- (7) Dokaz o čipovanju i upisu pasa čuvara stada u Registar općine/opštine mjesta prebivališta vlasnika/imaoca dužna su imati i lica koja koriste područje Općine/Opštine Bosanski Petrovac za progon stoke.
- (8) Upisivanje pasa u registar i čipovanje je obaveza svakog vlasnika/imaoca psa čuvara stoke sa prebivalištem na području Općine/Opštine Bosanski Petrovac.
- (9) Komunalna inspekcija općine/opštine je ovlaštena zatražiti na uvid od vlasnika/imaoca psa čuvara stoke s područja općine/opštine ili s područja druge općine/opštine potvrdu kojom se potvrđuje da su nad psom-čuvarom stada provedene sve propisane mjere.
- (10) Ukoliko vlasnik/imalac ne pokaže potrebnu dokumentaciju, komunalni inspektor sastavlja službenu zabilješku te obavještava nadležnu veterinarsku inspekciju.

Član 5.

- (1) Kopitari u smislu ove Odluke su: konji, magarci, mazge i mule, a papkari: goveda, ovce, koze i svinje.
- (2) Kopitari i papkari se mogu držati u posebnim objektima:
 - a) u dvorištu porodične kuće,
 - b) zajedničkom dvorištu uz prethodnu saglasnost svih suvlasnika porodične kuće ili zajedničkom dvorištu porodičnih kuća po prethodno pribavljenoj saglasnosti svih vlasnika porodičnih kuća.
- (3) U gušće naseljenim mjestima prostor u kojem borave kopitari i papkari mora da bude ograđen adekvatnom ogradom koja sprječava nekontrolisano kretanje životinja.

Član 6.

- (1) Živinom u smislu ove Odluke, smatraju se domaće ptice: kokoške, patke, plovke, ćurke, guske i sl.
- (2) Živina se može držati u posebnim objektima:
 - a) u dvorištu porodične kuće,
 - b) zajedničkom dvorištu uz prethodnu saglasnost svih suvlasnika porodične kuće ili zajedničkom dvorištu porodičnih kuća po prethodno pribavljenoj saglasnosti svih vlasnika porodičnih kuća.
- (3) U gušće naseljenim mjestima prostor u kojem boravi živina mora da bude ograđen adekvatnom ogradom koja sprječava nekontrolisano kretanje životinja.

Član 7.

- (1) Kunići u smislu ove Odluke mogu se držati u posebnim objektima:
 - a) u dvorištu porodične kuće,
 - b) zajedničkom dvorištu uz prethodnu saglasnost svih suvlasnika porodične kuće ili zajedničkom dvorištu porodičnih kuća po prethodno pribavljenoj saglasnosti svih vlasnika porodičnih kuća.

(2) U gušće naseljenim mjestima prostor u kojem borave kunići mora da bude ograđen adekvatnom ogradom koja sprječava nekontrolisano kretanje životinja.

Član 8.

(1) Golubovima, u smislu, ove Odluke smatraju se golubovi pismošče, golubovi visokoletači i ukrasni golubovi.

(2) Golubovi se mogu držati u posebno ograđenom prostoru:

- a) na krovu ili tavanu u stambenoj zgradi, u posebno ograđenom prostoru, uz prethodno pribavljenu saglasnost svih vlasnika stanova i posebnih dijelova stambene zgrade.
- b) na tavanu i terasi porodične kuće,
- c) u dvorištu porodične kuće, zajedničkom dvorištu uz prethodnu saglasnost svih suvlasnika porodične kuće ili zajedničkom dvorištu porodičnih kuća po prethodno pribavljenoj saglasnosti svih vlasnika porodičnih kuća.

III – USLOVI I DRŽANJE KUĆNIH LJUBIMACA

Član 9.

(1) U objektima ili zgradama kolektivnog stanovanja jedno domaćinstvo može držati u stanu najviše dva psa i najviše dvije mačke. Ostali kućni ljubimci mogu se držati u onom broju za koliko jedno domaćinstvo može obezbijediti adekvatne uslove u skladu sa ovom Odlukom i pozitivnim zakonskim propisima.

(2) U objektima iz stava 1 ovog člana nije dozvoljeno držanje pasa i mačaka i ostavljanje istih bez nadzora vlasnika na balkonu, terasi ili lođi.

(3) U dvorištu individualnog stambenog objekta mogu se držati:

- a) Najviše tri psa i najviše tri mačke.
- b) Ostali kućni ljubimci mogu se držati u onom broju za koliko jedno domaćinstvo može obezbijediti adekvatne uslove u skladu sa ovom Odlukom i pozitivnim zakonskim propisima.

(4) Kućni ljubimci, u skladu sa odredbama ove Odluke, mogu se držati u sljedećim prostorima:

- a) Stanu u stambenoj zgradi,
- b) Porodičnoj kući i dvorištu porodične kuće,
- c) Zajedničkom dvorištu porodične kuće i dvorištu s većim brojem porodičnih kuća, uz saglasnost svih suvlasnika porodične kuće, odnosno saglasnost svih vlasnika porodičnih kuća.

(5) Izuzetno, psi i mačke mogu se držati i u zajedničkim prostorima unutar (dvorište zgrade, perionica, prostorija za sušenje rublja, prostorija za rad organa upravljanja zgrade, prostorija za smještaj opreme za tekuće dijelove zgrade, i sl) i van stambene zgrade po prethodno pribavljenoj saglasnosti svih vlasnika stanova uz obezbjeđenje osnovnih sanitarno – higijenskih uslova i na način da se ne remeti javni red i mir i kućni red u zgradi.

(6) Držanje pasa i mačaka u zajedničkim prostorijama unutar i van zgrada bez prethodno pribavljene saglasnosti svih vlasnika stanova nije dozvoljeno.

(7) Hranjenje pasa i mačaka lualica u zajedničkim prostorijama unutar i van zgrade nije dozvoljeno.

(8) Hranjenje pasa i mačaka lualica na javnim površinama nije dozvoljeno.

(9) Vlasnik/imalac, čiji pas učestalo i dugotrajnim lajanjem ili zavijanjem remeti mir, dužan je poduzeti odgovarajuće mjere kako bi spriječio daljnje uznemiravanje, ili je dužan ukloniti psa u protivnom naprijed pomenuto ponašanje smatraće se postupanjem sa životinjama na način koji izaziva uznemiravanje i negodovanje građana, prema članu 3. Zakona o javnom redu i miru USK („Službeni glasnik USK“, br. 8/02) i članu 8. Odluke o javnom redu i miru



na području Općine/Opštine Bosanski Petrovac („*Sl. glasnik Opštine Bosanski Petrovac*“, broj 4/12), kao prekršaj javnog reda i mira.

(10) Pas, mačka i drugi kućni ljubimci moraju se držati tako da ne ugrožavaju sigurnost građana.

Član 10.

- (1) Pas koji se drži u neograđenom dvorištu mora biti vezan lancem na način da ne ometa kretanje i sigurnost građana ili mora biti smješten u boks koji će spriječiti nekontrolisano kretanje psa.
- (2) Pas se može vezati oko vrata adekvatnom ogrlicom ili kaišem koji se ne usijeca u kožu i koji ne može dovesti do povreda. Vlasnik/imalac ne smije vezati psa na lanac koji je kraći od 3 (tri) metra ili trostruke dužine životinje, mjereno od vrha repa do vrha njuške.
- (3) Pas koji se drži u ograđenom dvorištu ili drugom zemljištu ne mora biti vezan ukoliko ograda visinom i čvrstoćom osigurava sigurnost prolaznika i susjeda, a na ulaznim dvorišnim vratima mora biti na vidnom mjestu ispisana oznaka koja upozorava na psa.
- (4) Ukoliko se pas drži u ograđenom prostoru za psa ili kućici za psa, smještaj kućice ili ograđenog prostora mora biti takav da ne ometa stanovanje u susjednom dvorištu, udaljenost kućice ili ograđenog prostora za pse mora biti udaljen od susjednog stambeno-poslovnog objekta najmanje 5 metara.
- (5) Vlasnici/imaoci opasnih/potencijalno opasnih pasa (psi koji prema svojim prirodnim /urođenim sklonostima mogu ispoljavati agresivnost) dužni su iste držati u skladu sa pravilnikom o držanju opasnih životinja („*Sl. glasnik BiH*“, broj : 27/10).

IV- NAČIN KONTROLE RAZMNOŽAVANJA

Član 11.

- (1) Vlasnik/imaoc psa i/ili mačke mora spriječiti njihovo nekontrolisano razmnožavanje i držati razmnožavanje nadzorom, a za sve potomke svojih životinja snose odgovornost, te iste trebaju registrovati u nadležnoj veterinarskoj stanici u roku od 15 (petnaest) dana od dana okota.
- (2) Način kontrole razmnožavanja pasa i mačaka mogu biti :
 - preventivno djelovanje (kastacija ili sterilizacija),
 - kontrola kretanja ženki u vrijeme tjeranja,
 - upotreba veterinarskih sredstava,
- (3) Poslove preventivnog djelovanja i upotrebe veterinarskih sredstava iz stava 2 ovog člana obavlja nadležna veterinarska stanica.

V – REGISTRACIJA KUĆNIH LJUBIMACA I KRETANJE NA JAVNIM POVRŠINAMA I OBJEKTIMA JAVNE NAMJENE

Član 12.

- (1) Upisivanje pasa u registar i čipovanje vrši ovlaštena nadležna veterinarska stanica- Veterinarska stanica Bosanski Petrovac, a obavezno je za sve vlasnike/imaoce pasa na prostoru Općine/Opštine Bosanski Petrovac, što se potvrđuje posjedovanjem vlasničke knjižice izdate i ovjerene od strane ovlaštene, naprijed pomenute, veterinarske stanice.
- (2) Registracija pasa ili upisivanje pasa u upisnik vrši se radi provođenja mjera propisanih Zakonom i ovom Odlukom, a naročito radi sprječavanja bjesnoće i drugih zaraznih bolesti.
- (3) Registar pasa sadrži: podaci o vlasniku/imaocu psa: redni broj, ime, ime oca, prezime, adresa stanovanja i datum rođenja, vlasnika/držaoca psa, podaci o psu: pasmina i pol psa, datum registracije, datum označavanja i datum vakcionisanja protiv bjesnila i datum

tretiranja protiv parazita, naziv veterinarske ustanove kod koje je izvršeno označavanja, vakcinisanja protiv bjesnila i tretiranja protiv parazita.

(4) Troškove registracije psa snosi vlasnik psa.

Član 13.

(1) Psi stariji od tri mjeseca podliježu obaveznoj registraciji i cijepljenju protiv bjesnoće.

(2) Registraciju cijepljenja pasa vrši veterinarska stanica nadležna za područje Općine/Opštine Bosanski Petrovac.

(3) Vlasnik ili imalac psa je dužan registrovati i čipovati psa.

(4) Vlasnik ili imalac čiji pas je dostigao starost od tri mjeseca, odnosno koji je nabavio ili prodao psa, dužan je o tome u roku od 15 (petnaest) dana obavijestiti nadležnu veterinarsku stanicu koja vodi upisnik (registar) pasa.

(5) Vlasnik ili imalac psa dužan je nadležnoj veterinarskoj stanici koja vodi upisnik (registar) pasa prijaviti uginuće psa radi utvrđivanja uzroka uginuća i ažuriranje baze podataka o registraciji i životinja.

(6) Higijenskom servisu vlasnik ili imalac psa dužan je prijaviti gubitak ili bijeg psa u roku od 3 (tri) dana od dana gubitka ili bijega psa, uz dostavu vlasničke knjižice izdate od strane ovlaštene nadležne veterinarske stanice.

(7) Vlasnik ili imalac kućnog ljubimca koji iz bilo kojeg razloga nije u mogućnosti nastaviti brigu o kućnom ljubimcu dužan je pronaći udomitelja, odnosno udruženje građana ili osobu koja će brinuti o njemu na propisan način ili istog predati Higijenskom servisu radi daljeg zbrinjavanja uz obavezu snošenja troškova do udomljenja ili drugog načina zbrinjavanja životinje.

(8) Zabranjeno je dovođenje i napuštanje kućnih ljubimaca posebno pasa i mačaka na područje Općine/Opštine Bosanski Petrovac iz drugih općina/opština.

Član 14.

Ako pas ili mačka ošteti nečiju imovinu ili nanese povredu, vlasnik ili imalac životinje odgovoran je za nanesenu povredu odnosno dužan je izvršiti popravku ili nadoknaditi materijalnu štetu oštećenom fizičkom ili pravnom licu.

Član 15.

(1) Ukoliko se pojavi zarazna bolest ili znakovi na osnovu kojih se može posumnjati da je pas ili mačka oboljela ili uginula od zarazne bolesti, posjednik je dužan odmah obavijestiti ovlaštenu veterinarsku stanicu, te zatvoriti životinju i držati je zatvorenu do veterinarskog pregleda, a nakon pregleda postupati prema naredenim uputama.


(2) Posjednik psa koji je ugrizao ili povrijedio čovjeka, bez obzira na to da li je ugriz vidljiv ili ne, i bez obzira da li je pas cijepljen ili ne, dužan je o tome odmah obavijestiti ovlaštenu veterinarsku stanicu, a životinju držati zatvorenu do veterinarskog pregleda.

(3) Prijavu iz stava 2 ovog člana dužan je podnijeti i oštećeni. Po podnesenoj prijavi postupak vodi veterinarski inspektor.

Član 16.

(1) Vlasnici/imaoci pasa mogu psa izvesti van zatvorenog prostora samo na kratkom povodniku dužine do 3 m.

(2) Psi malog i srednjeg rasta (minijturni i mali psi visine do 40 centimetara), kao i psi do četiri mjeseca starosti, mogu se pod nadzorom vlasnika/imaoca izvoditi izvan zatvorenog prostora i na javnu površinu na povodcu dužine do tri metra i bez zaštitne korpe, osim ako predstavljaju opasnost po okolinu.



Član 21.

Zabranjeno je:

- (1) Huškati psa na druge životinje ili ljude ili ih dresirati na agresivnost, obučavati psa za borbe, te organizirati borbe pasa;
- (2) Napuštati psa ili postupati na način kojim se omogućava bijeg psa;
- (3) Šišanje pasa na javnim površinama, pojenje pasa na javnim česmama i bunarima namjenjenim za vodosnabdijevanje građana;
- (4) Ostavljanje leševa uginulih pasa na javnim površinama, šumskim površinama i kanalima i na poljoprivrednom zemljištu;
- (5) Ukopavanje uginulih pasa van mjesta određenog za tu svrhu.


VII – NAČIN POSTUPANJA SA IZGUBLJENIM I NAPUŠTENIM ŽIVOTINJAMA PSIMA I MAČKAMA

Član 22.

- (1) Izgubljena životinja u smislu ove Odluke je ona životinja koja je napustila vlasnika/imaoca bez njegove volje, vlasnik/imalac životinje dužan je prijaviti njen nestanak u roku od 3 dana od dana nestanka životinje nadležnoj veterinarskoj stanici.
- (2) Napuštena životinja je životinja koju je vlasnik/imalac svjesno napustio.
- (3) Nije dozvoljeno svjesno napuštanje životinje od strane vlasnika/imaoca na bilo koji način (izbacivanje iz vozila, namjerno puštanje iz dvorišta i sl).
- (4) Nalazač napuštene ili izgubljene životinje mora u roku od 3 (tri) dana od nalaska životinje obavijestiti sklonište za napuštene životinje, ukoliko životinju nije vratio imaocu.
- (5) Nalazač napuštene ili izgubljene životinje mora pružiti životinji odgovarajuću zaštitu do vraćanja imaocu ili do smještaja u sklonište za napuštene životinje.
- (6) Ako u roku od 14 (četnaest) dana od dana objave podataka imalac nije dostavio zahtjev za vraćanje životinje, sklonište postaje vlasnik životinje te je može udomiti.
- (7) Životinja se ne smješta u sklonište ako se može utvrditi njen vlasnik, osim ako vlasnik odmah ne može doći po životinju.
- (8) Vlasnik/imalac izgubljene životinje dužan je nadoknaditi sve troškove kao i svaku štetu koju počinji životinja od trenutka nestanka do trenutka vraćanja vlasniku/imaocu.
- (9) Psi i mačke lutalice u smislu ove Odluke su neregistrovane/registrovane i neoznačene/označene životinje o kojima se nitko ne brine i koje bez nadzora lutaju ulicama i drugim javnim površinama.
- (10) Općina/Opština Bosanski Petrovac nije odgovorna za štetu koju prouzrokuju izgubljeni ili napušteni psi ili oni psi za koje nije moguće pronaći vlasnika ili imaoca.
- (11) Nadležna služba Općine/Opštine Bosanski Petrovac odrediće površine na kojima će biti dozvoljeno hranjenje izgubljenih i napuštenih životinja (psi i mačke lutalice) i iste će propisno označiti.
- (12) Nije dozvoljeno hraniti izgubljene i napuštene životinje (pse i mačke lutalice) na mjestima koja za to nisu predviđena.
- (13) Izgubljene i napuštene životinje skupljaju zaposleni u higijenskom servisu / skloništu za životinje kojeg u skladu sa Zakonom o zaštiti i dobrobiti životinja („Sl. glasnik BiH“, br. 25/2009 i 9/2018) osnuje fizička ili pravna osoba, općina/opština, kanton ili entitet.
- (14) Do momenta formiranja higijenskog servisa / skloništa za životinje poslove sakupljanja, prevoženja i smještaja napuštenih životinja obavljaće uposlenici "Komunalno" d.o.o. Bosanski Petrovac.

Član 23.

- (1) Za hvatanje i smještanje divljih životinja i zaštićenih divljih životinja s javnih površina (uz primjenu i korištenje odgovarajuće opreme) nadležni su zaposleni u higijenskom



(3) Zabranjeno je pse dovesti u objekte javne namjene: trgovine, ugostiteljske objekte, banke, pijace, vozila javnog prevoza, dječija igrališta, kupališta, sportske terene, groblja, javne skupove i slično.

(4) O dozvoli ili zabrani uvođenja psa u hotele, apartmane i druge smještajne i ugostiteljske kapacitete odlučuje vlasnik i to označava postavljanjem naljepnice sa likom psa, odnosno s prekrštenim likom psa na ulazna vrata u objekat.

(5) Prilikom izvođenja psa na javne površine, posjednik psa je dužan da sa sobom nosi službeni ispravu/dokument za psa, izdatu u skladu sa posebnim propisom.

(6) Zabranjeno je nevakcinisanog/necijepljenog, neupisanog i neoznačenog psa izvoditi na javnu površinu.

(7) Ograničenje kretanja pasa ne primjenjuje se na službene pse i pse osposobljene za pomoć osobama sa posebnim potrebama.

(8) Ukoliko pas ili mačka pri izvođenju iz stana ili dvorišta, iz bilo kojih razloga zaprlja stazu, put, zelenu površinu ili drugi prostor vlasnik psa ili mačke dužan je da zaprljanu površinu očisti.

(9) Vlasnik psa ili mačke prilikom izvođenja kućnog ljubimca dužan je sa sobom imati pribor za čišćenje i uklanjanje izmeta.

(10) Služba za stambeno komunalnu djelatnost, vodoprivredu i zaštitu okoliša će rješenjem odrediti vremenski period i javne površine na kojima je dozvoljeno, odnosno zabranjeno kretanje pasa, a "Komunalno" d.o.o. Bosanski Petrovac je dužno da na osnovu rješenja nadležne službe postavi vidne oznake na kojima je naznačena dozvola, odnosno zabrana kretanja pasa.

Član 17.

(1) Zabranjeno je voditi psa na javnoj saobraćajnoj površini (sa ili bez povodca) prilikom vožnje biciklom ili motornim vozilom.

(2) Prilikom držanja pasa u vlastitom automobilu, posjednik je dužan onemogućiti izlazak psa bez nadzora na javnu saobraćajnu površinu.

VI POSTUPANJE SA OPASNIM PSIMA

Član 18.

Imalac opasnog psa je dužan:

- a) provesti sve zaštitne mjere koje su propisane,
- b) psa držati u zatvorenom prostoru iz kojeg ne može pobjeći, a vrata u prostoru u kojem se nalazi takav pas moraju biti zaključana,
- c) na ulazu u prostor u kojem se nalazi opasan pas mora biti vidljivo istaknuto upozorenje: »OPASAN PAS«.

Član 19.

(1) Izvođenje opasnih pasa na javne površine dopušteno je isključivo sa zaštitnom korpom i na povodcu od strane imaoca.

(2) Opasne pse na javnu površinu mogu izvoditi samo punoljetna lica, a psi se moraju voditi na kratkoj uzici dužine do jednog metra i sa zaštitnom korpom na njušci.

Član 20.

(1) Pri sumnji da se radi o opasnom psu, komunalna inspekcija općine/opštine je ovlaštena zatražiti na uvid od imaoca potvrdu kojom se potvrđuje da su nad psom provedene sve propisane mjere.

(2) Ukoliko imalac ne pokaže potrebnu dokumentaciju, komunalni inspektor sastavlja službeni zapisnik te obavještava nadležnu veterinarsku inspekciju za daljnje postupanje.

servisu/skloništu za životinje, a do momenta njegovog formiranja uposlenici „Komunalno“ d.o.o. Bosanski Petrovac, a u skladu sa članom 7. a u vezi člana 2. stava 1 Zakona o veterinarstvu FBiH („Sl. novine FBiH“, broj 46/00), članom 1. a u vezi člana 3. stava 66. Zakona o veterinarstvu BiH („Sl. glasnik BiH“, broj 34/02), članom 29. Zakona o zaštiti i dobrobiti životinja BiH („Sl. glasnik BiH“, broj 25/09, 9/18) te odredbama ove Odluke.

(2) Higijenski servis, a do momenta njegovog formiranja uposlenici „Komunalno“ d.o.o. Bosanski Petrovac, obavezan je da najbližem lovačkom društvu podnese zahtjev za vraćanje divlje životinje u prirodu ako je to moguće, ili u suprotnom, životinja se predaje najbližem zoološkom vrtu koji je opremljen za njeno primanje. Ako ni zoološki vrt nije u mogućnosti da primi životinju, ona se usmrćuje (član 29. stav 2, Zakona o zaštiti i dobrobiti životinja BiH, „Sl. glasnik BiH“, broj 25/09, 9/18). Usmrcivanje divlje životinje vrši stručna služba lovačkog društva.

(3) Ako je pronađena posebno zaštićena divlja životinja, obavještava se Federalno ministarstvo okoliša i turizma, koje donosi odluku o daljnjem postupku. (člana 29. stav 3, Zakona o zaštiti i dobrobiti životinja BiH, „Sl. glasnik BiH“, broj 25/09, 9/18).

(4) Troškovi hvatanja i smještaja divlje životinje u sklonište namiriće se iz budžeta općine/opštine, a troškove hvatanja iz stava 2 ovog člana snosi lovačko društvo koje ima pravo lova u lovištu u koje je životinja vraćena.

Član 24.

Ovlaštena nadležna veterinarska stanica za područje Općine/Opštine Bosanski Petrovac će u saradnji sa higijenskim servisom, a do momenta njegovog formiranja, u saradnji sa „Komunalno“ d.o.o. provoditi pravovremenu kastraciju, sterilizaciju i obilježavanje napuštenih životinja, naročito pasa lualica izvršiti evidenciju i obilježavanje istih te vršiti njihovo ponovno puštanje na mjesta prirodnog staništa, a s ciljem stabilizacije populacije napuštenih životinja kontrolom njihove reprodukcije u kratkom roku.

Član 25.

Skloništa i higijenski servis, a do njegovog formiranja poslovi/usluge za koje je ovom Odlukom zaduženo „Komunalno“ d.o.o. Bosanski Petrovac finansiraju se iz:

- a) budžeta Općine/Opštine Bosanski Petrovac, budžeta kantona i entiteta
- b) drugih vidova finansiranja (donacije, pokloni itd.)

Član 26.

(1) Sakupljanje pasa i mačaka mora se obavljati na najprikladniji način u skladu sa važećim zakonskim propisima.

(2) Izgubljene i napuštene životinje će biti vraćene vlasnicima/imaocima uz naplatu troškova njihovog pronalaska i vraćanja vlasniku/imaocu.

Član 27.

Zabranjeno je životinju bez opravdanog razloga ubiti, nanositi joj bol, patnju i štetu, mučiti je i namjerno izlagati stresu i strahu.

Član 28.

(1) Usmrcivanje životinja može se provesti ako:

- a) je usmrćivanje životinje potrebno radi održavanja prirodne ravnoteže u lovištu, u skladu sa Zakonom o lovstvu
- b) se odvija u okviru mjera za uništavanje štetočina (pasa i mačaka) koje se nekontrolisano kreću po lovištu.

Član 29.

(1) Eutanazija životinja može se provesti ako:

- a) se životinja ne može izliječiti, a ostanak u životu će joj uzrokovati nepotrebne bolove i patnju;
- b) je životinja dostigla visoku starost i otkazuju joj osnovne životne funkcije;
- c) životinja boluje od neizlječive i / ili zarazne bolesti, posebno one koja može ugroziti ljude;
- d) je životinja opasna po okolinu;
- e) je životinja u agoniji.

(2) Za slučajeve iz tačke a) i b) ovog člana, o usmrćivanju odlučuje vlasnik/imalac životinje, po preporuci veterinara, a za slučajeve tačke c), d) i e) ovog člana odlučuje veterinar.

(3) Ako se radi o kućnom ljubimcu troškove usmrćivanja snosi vlasnik/imalac, a ako se radi o psima i mačkama lualicama troškovi padaju na teret budžeta Općine/Opštine Bosanski Petrovac.

VIII – NADZOR

Član 30.

(1) Komunalni redari i komunalni inspektori Općine/Opštine Bosanski Petrovac vrše nadzor nad provođenjem odredbi člana 4 stava 3, 4, 5, 6, 7, 8, člana 5, člana 6, člana 7, člana 8, člana 9 stava 1, 2, 3, 5, 6, 7 i 8, člana 10 stava 1, 2, 3 i 4, člana 13, člana 16, člana 17, člana 18, člana 19, člana 20, člana 21, člana 22 i člana 24 Odluke.

(2) Poslove inspekcijskog nadzora nad primjenom ove Odluke vrši općinski/opštinski inspektor nadležan za poslove komunalne inspekcije.

(3) Kantonalna veterinarska inspekcija, u skladu sa svojim ovlaštenjima, vrši nadzor u slučajevima kršenja odredaba ove Odluke koje su uređene Zakonom o veterinarstvu BiH („Službeni glasnik BiH“, broj: 34/02), Zakonom o veterinarstvu Federacije BiH („Službene novine Federacije BiH“, broj: 46/00), Zakonom o zaštiti i dobrobiti životinja („Službeni glasnik BiH“, broj: 25/09, 9/18) i drugim propisima koji regulišu predmetnu oblast.

(4) Pripadnici MUP-a USK, Policijska stanica Bosanski Petrovac vrše provođenje i nadzor nad provođenjem odredbi ove Odluke u skladu sa svojim ovlastima propisanim Zakonom o javnom redu i miru USK („Službeni glasnik USK“, br. 15/10), Odlukom o javnom redu i miru („Službeni glasnik Općine/Opštine Bosanski Petrovac“, br. 4/12) i drugim propisima.

Član 31.

(1) Prilikom vršenja nadzora nad poštivanjem odredbi ove odluke nadležni inspektori imaju slijedeća prava i obaveze:

- da narede izvršenje obaveza utvrđenih ovom odlukom i preduzimaju preventivne, korektivne i represivne mjere i radnje izdavanjem usmenih ili pisanih naređenja ili upozorenja na licu mjesta ili naknadno po saznanju za počinjenu nepravilnost ili prekršaj;

- da donose rješenja u pisanoj formi radi otklanjanja nepravilnosti u skladu sa Zakonom o organizaciji organa uprave u Federaciji BiH („Službene novine Federacije BiH“, br. 35/05) i Zakonom o upravnom postupku;

- na licu mjesta izreknu novčanu kaznu prekršajnim nalogom;

- podnesu zahtjev za pokretanje prekršajnog postupka;

- podnesu krivičnu prijavu, ukoliko je određeno postupanje predviđeno kao krivično djelo posebnim zakonom;

- da preduzimaju i druge mjere za koje su ovlašteni posebnim propisima.

(2) Protiv rješenja nadležnog inspektora donesenog u pisanoj formi može se izjaviti žalba u roku od 8 dana od dana prijema rješenja.



(3) Žalba izjavljena na rješenje nadležnog inspektora podnosi se Drugostepenoj komisiji za žalbe Općinskog/Opštinskog vijeća Općine/Opštine Bosanski Petrovac, a ista ne odlaže izvršenje rješenja.

(4) Prilikom vršenja inspekcijskog nadzora ako se ustanovi da se krše odredbe ove Odluke nadležni inspektor ima pravo da legitimise lice koje to čini. Ukoliko nadležni inspektor u svom radu naiđe na otpor, može zatražiti pomoć službenika nadležne Policijske uprave. Policijski službenici su dužni osigurati pomoć pri provođenju inspekcijskog nadzora na zahtjev nadležne inspekcije, a u granicama svojih ovlasti.

Član 32.

U slučaju kada jedan organ smatra da nije ovlašten postupati, bez odlaganja će u pismenoj formi ili usmenoj formi uz sačinjavanje službene zabilješke obavijestiti drugi nadležni organ o saznanjima koja ima radi hitnog postupanja tog organa.

IX – KAZNE NE ODREDBE

Član 33.

(1) Novčanom kaznom od 1.500,00 do 7.000,00 KM kazniće se za prekršaj pravno lice, odnosno odgovorno lice u pravnom licu kaznom 500,00 do 1.000,00 KM, odnosno fizičko lice kaznom 100,00 do 500,00 KM ako postupi protivno odnosno ne pridržava se odredbi:

člana 4. stava 3, 4, 5, 6, 7, 8, člana 5. stava 2 i 3, člana 6. stava 2 i 3, člana 7, člana 8. stava 2, člana 9. stava 1, 2, 3, 5, 6, 7 i 8, člana 10. stava 1, 2, 3, i 4, člana 11. stava 1, člana 12. stava 1 i 4, člana 13. stava 3, 4, 5, 6 i 7, člana 15. stava 1 i 2, člana 16. stava 1, 2, 3, 5, 6, 7, 8, 9, člana 17, člana 18, člana 19, člana 21, člana 22 stava 1, 3, 4, 5, 8 i 12, člana 27. Odluke.

(2) Novčanom kaznom od 2.000,00 do 7.000,00 KM kazniće se za prekršaj pravno lice, odnosno odgovorno lice u pravnom licu kaznom 1.000,00 do 2.000,00 KM, odnosno fizičko lice kaznom 500,00 do 1.000,00 KM ako postupi protivno odnosno ne pridržava se odredbi: člana 13 stava 8.

(3) Ukoliko prekršaje definisane u stavovima 1 i 2 ovog člana, počinio maloljetno lice novčanim kaznama, propisanim u istim stavovima, kazniće se njegov roditelj/staratelj.

Novčane kazne po izdatim prekršajnim nalogima su prihodi budžeta Općine/Opštine Bosanski Petrovac.

X – PRELAZNE I ZAVRŠNE ODREDBE

Član 34.

Imaoci i vlasnici domaćih životinja i kućnih ljubimaca dužni su da držanje životinja usklade sa odredbama ove Odluke u roku od 6 mjeseci od dana stupanja na snagu ove Odluke. Isti rok od 6 mjeseci daje se Veterinarskoj stanici Bosanski Petrovac za uspostavljanje Registra i ista se obavezuje da u roku od 6 mjeseci od dana pravosnažnosti ove Odluke informiše nadležnu službu o broju Registrovanih kućnih ljubimaca-pasa te broju evidentiranih lualica na području Općine/Opštine Bosanski Petrovac.

Član 35.

(1) Zadužuje se Služba za stambeno komunalnu djelatnost, vodoprivredu i zaštitu okoliša da u roku od 3 mjeseca od dana stupanja na snagu ove Odluke izradi Rješenje kojim će odrediti vremenski period i javne površine na kojima je dozvoljeno, odnosno zabranjeno kretanje pasa i isto proslijedi „Komunalno“ d.o.o. Bosanski Petrovac.

(2) Zadužuju se Služba za stambeno komunalnu djelatnost, vodoprivredu i zaštitu okoliša da u roku od 30 dana od dana stupanja na snagu ove Odluke Rješenjem odredi i propisno označi

površine na kojima će biti dozvoljeno hranjenje izgubljenih i napuštenih životinja (pasa lutilica).

(3) Zadužuje se „Komunalno” d.o.o. Bosanski Petrovac da na osnovu Rješenja Službe za stambeno komunalnu djelatnost, vodoprivredu i zaštitu okoliša postavi vidne oznake na kojima je naznačena dozvola, odnosno zabrana kretanja pasa u roku od 30 dana od dana dostavljanja Rješenja.

(4) Zadužuje se „Komunalno” d.o.o. Bosanski Petrovac da na osnovu Rješenja Službe za stambeno komunalnu djelatnost, vodoprivredu i zaštitu okoliša postavi vidne oznake na kojima je naznačena dozvola hranjenja izgubljenih i napuštenih životinja (pasa lutilica) u roku od 7 dana od dana dostavljanja Rješenja.

(5) Zadužuje se „Komunalno” d.o.o. Bosanski Petrovac da se u roku od 6 mjeseci od dana pravosnažnosti Odluke osposobi za poslove higijeničarske službe.

Član 36.

(1) Zadužuje se Načelnik općine/opštine i nadležna služba da do konačnog rješavanja pitanja zbrinjavanja pasa lutilica sprovedu akcije vezano za stabilizaciju populacije pasa lutilica kontrolom njihove reprodukcije u kratkom roku, na način propisan članom 24. Ove Odluke, dva puta godišnje (na proljeće i na jesen), a po potrebi i češće.

(2) Zadužuje se Načelnik općine/opštine i nadležna služba da u roku od 3 mjeseca od dana stupanja na snagu ove Odluke pokrene Javni poziv za iskazivanje interesa za uklanjanje i zbrinjavanje pasa lutilica sa područja Općine/Opštine Bosanski Petrovac i o tome informiše ovo vijeće.

Član 37.

Danom stupanja na snagu ove Odluke prestaju da važe članovi 174, 175 i 176. Odluke o komunalnom redu („Službeni glasnik Općine/Opštine Bosanski Petrovac“, br. 2/12).

Član 38.

Ova Odluka stupa na snagu osmog dana od dana objavljivanja u "Službenom glasniku Općine/Opštine Bosanski Petrovac".

PREDSJEDAVAJUĆI OPŠTINSKOG VIJEĆA


Nemanja Davidović

Broj: 02/1-20-531-14/22

Datum: 05.08.2022. godine